

# Familiebrief 2019/01

29 Januarie 2019

## **FAMILIEBRIEF 2019/01**

Geagte Skriba/Administratiewe Beampste/Finansiële Beampste/Saakgelastigde

[Aangeheg](#) vind asseblief 'n skrywe van die kantoor van die Predikante Pensioenfonds wat inligting bevat oor die kostes en bydraes van die fonds. Alle predikante wat aan die fonds behoort moet daarvan kennis dra, asook die persoon wat salarisse vir die gemeente hanteer.

Alhoewel die omsendbrief direk deur die Pensioenfondskantoor aan deelnemende predikante gestuur is, word u hiermee versoek om te verseker dat hy/sy kennis dra van die inhoud. Maak asseblief ook seker dat die skrywe die persoon bereik wat salarisse hanteer.

Seëngroete

*Cathy Odendaal*

**Bedryfsbestuurder**

Tel (012) 804-9543/4

Faks (086) 720-8742

[finans@sinoos.co.za](mailto:finans@sinoos.co.za)

---

# TERUGVOER AAN GEMEENTES – SDR

## 22 NOVEMBER 2018

1. Die vergadering het sake en probleme van 'n paar gemeentes hanteer, maar het hoofsaaklik gefokus op die afgelope **Sinodesitting** se evaluering. Ons is so dankbaar dat die sinodesitting 'n positiewe en opbouende familie-belewenis was vir die oorgrote meerderheid afgevaardigdes en dat die uitkomst wat beplan is, bereik is.

Ons eer die Here vir die getuienis dat meeste getuig het dat die sinode waarde toegevoeg het vir hulle bediening. Daar was ook groot waardering vir meer geleentheid om lekker te gesels om die tafels. Al die kommentaar op die indekskaarte is getik en aanpassings vir die volgende sitting is bespreek. Een van die sake wat meer aandag gaan kry by ons volgende sitting is om ruimte te maak vir brandende kwessies en sake wat ernstige bespreking nodig het.

2. Ons het ook besluit om vorentoenader aan gemeentes te beweeg en om van die sinode se kant **ringe te besoek** en te help om uitdagings op te los en toerusting en ondersteuning te gee. Ons sien die Ringsdiensrade as belangrike vennote op wie ons gesamentlik en afsonderlik wil fokus.

3. Ons is dankbaar om te kon sien hoe die **missionale gemeentewees** besig is om al meer deel te word van ons kerk se DNS. Die nood en verlorenheid van die wêreld kry al meer prominensie in gemeentes se programme en betrokkenheid in die gemeenskap word belangriker. Die visie is dat Christus se liefde al meer uitgeleef en verkondig sal word en dat die

Koningskap van Jesus op elke lewensterrein sal sigbaar word soos ons sinode se embleem uitbeeld.

4. Volgende jaar op **2 November is ons sinode 40 jaar** oud en daarom beplan ons om tydens hierdie feesjaar saam as gemeentes iets spesiaal te doen wat 'n groot impak in ons gemeenskappe gaan maak. Ons kyk om saam hande te vat en 'n reuse missionale voetspoor te los as nalatenskap van ons feesvieringe.

5. Ons kon weer vir prof. Jan van der Watt kry om in 2019 die **predikantekonferensie** van 10-14 Junie te lei en wel oor die boek Openbaring.

6. Ons wag vir gemeentes om sake na die kantoor te stuur waaroor hulle graag wil hê dat die **Algemene Sinode in 2019** moet besin. Ringe ontvang vroeg in die nuwe jaar besonderhede hieroor. Die Diensraad het byvoorbeeld gedink aan onderwerpe soos die verval van die platteland en kleiner wordende gemeentes en hoe gemeentes weer kan groei. Die bekommernis oor die Staat wat die Kerk wil reguleer en die gebrek aan integriteit by leiers is ook moontlike onderwerpe.

7. Vanuit die sinodale kantoor en Diensraad wil ons vir elke lidmaat en leraar 'n baie lekker rustyd in die **vakansie** toewens en bid dat die **Kerstyd** waarlik 'n tyd sal wees van seën en 'n ontmoeting met die Christus van Kersfees. Mag die Vredevors ons verlos van geweld, woede, haat, rassisme en alle sonde. Mag die **Nuwejaar** 'n tydperk van 'n noue wandel met die Here wees waar ons wonders en die realisering van God se planne sal beleef.

**Dirkie van der Spuy: Voorsitter Sinodale Diensraad**

---

## **FAMILIEBRIEF 2018/7**

Sien asseblief skrywe insake [Vergoedingspakket](#) vir 2019/2020

---

## **VERGOEDINGSPAKKET 2019/2020**

Sien asseblief skrywe insake [Vergoedingspakket](#) vir 2019/2020.

---

## **FAMILIEBRIEF 2018/6**

12 November 2018

**Familiebrief 2018/6**

**AAN AL DIE PREDIKANTE EN KERKKANTORE**

Sien asseblief [skrywe](#) insake **Predikante Pensioenfonds**.

Groete

**Francois Retief**  
**Uitvoerende Amptenaar**  
[uitamp@sinoos.co.za](mailto:uitamp@sinoos.co.za)

---

## [Sinodesitting 2018 Media](#)

Die volgende kan afgelaai word:

[Klankopname](#) van ds Dirkie Nagmaaldiens (57MB) – om af te laai, kliek regs op klankopname en kies die opsie "save links as".

[Video](#) Bybel Media (89MB)

[Powerpoint](#) ds Dirkie Nagmaaldiens

[Powerpoint](#) ds Nati Stander

[Powerpoint](#) prof Marius Nel

[Powerpoint](#) Grondwet, landswet en kerkwet (3MB)

---

# BELANGRIKE DATUMS 2019

OOSTELIKE SINODE 2019	
DATUMS VIR JOU GEMEENTEKALENDER	
7 Januarie	Sinodehuis open
11 - 14 Februarie	Geloofsreis met Gys van Schoor
26 Februarie	Sinodale Diensraad
6 - 8 Maart	Algemene Sinode Moderamen-vergadering
26 - 31 Maart	Skoliekamp
29 - 31 Maart	#imagine-naweek
23 Mei	Sinodale Diensraad
10 - 14 Junie	Predikantekonferensie in Letaba
14 Augustus	Sinodale Diensraad
16 - 20 September	Geloofsreis met Gys in Greyton
17 - 19 September	Lentekonferensie Excelsus
21 - 25 September	Eco 7 kamp
22 - 25 September	Ekofaktorkamp
22 - 27 September	Cruxkamp
6 - 11 Oktober	Algemene Sinode in Benoni
21 November	Sinodale Diensraad

---

## AGENDA SINODESITTING 2018

Die Agenda van die Agttiende Sinodesitting 2018, 21 tot 23 Oktober 2018 by Pierre van Ryneveld, is [hier](#) (3.4mb) beskikbaar!

---

## Ons Sinodale Diensraad vertel...

1. By die afgelope vergadering van die Sinodale Diensraad het ons van die 11 lede terugvoer ontvang oor wat tans aan die

gang is in ons sinodale gebied. Ons het diep onder die indruk gekom van die **spanning** wat die grondonteenings-kwessie by ons mense bring en ook van die oproer en grondgrype in Witrivier, Burgersfort en Pretoria-Faerie Glen. Hiermee saam is daar onrus en opstandigheid oor wye dele van ons gebied. Ons besef die impak van werkloosheid en die ekonomiese krisis met 'n rand wat trampolien-spring en onstabiliteit wat 'n **negatiewe gees** in mense wakker maak. Dis juis in só 'n tyd dat die kerk hoop moet bring en mense moet bystaan en help om in geloof positief te bly. *“Wees ons genadig, Here, ons vestig ons hoop op U. Die Here is ons Regter, ons Leidsman, ons Koning, Hy sal ons red.”* Jesaja 33.

2. Daar is kennis geneem van die gevaar van **sekularisasie** wat besig is om by kerke in te kruip en veroorsaak dat Bybelse grense verskuif word totdat dit naderhand die mens se eie wil is wat geld en nie meer God se wil is nie. Dit bring mee dat gelowiges nie meer die teenwoordigheid en krag van God se teenwoordigheid beleef nie.

3. Daar is tog ook positiewe getuienisse juis in hierdie tyd soos byvoorbeeld **samewerking** tussen die NG Kerk Lynnwoodrif en die Nellmapius Uniting Reformed Church in Southern Africa.

4. Die vergadering het die beplanning vir ons **komende Sinodesitting** van 21-23 Oktober 2018 gefinaliseer en daar heers reeds groot opgewondenheid en 'n verwagting vir wat die Here gaan kom doen. Ons glo die Here gaan ons as sinode kom help om waarlik 'n gestuurde kerk te wees wat 'n impak maak en die liefde van Christus uitleef en uitdra in die wêreld. Ons sien uit na die rol van die fasiliteerders soos prof. Marius Nel, Nelis J van Rensburg, Dewyk Ungerer asook van ons eie sinode se leiers wat 'n rol gaan speel. Bid saam met ons dat elke sinodeganger huis toe sal gaan met 'n nuwe visie, passie en inspirasie om 'n verskil in hulle gemeentes te gaan maak.

5. Ons is ook dankbaar vir 'n nuwe fokus op ons jonger predikante en om groter prominensie aan ons gebied se jeug te

gee. Daar is 'n mooi momentum aan die gang by die jonger leraars wat **GrensLoos-netwerk** gestig het om mekaar se hande te vat en die jeugwerk in ons gebied te bely en te koördineer. Ons wil steeds as oud en jonk na mekaar luister en mekaar intrek en saamwerk.

6. Kom ons **bly bid** steeds vir mekaar, vir ons gemeentes en vir ons land. Kom ons bid ook dat die leraars sal sterk staan teen versoekings en voorbeelde en getuies wees vir ander.

**Dirkie van der Spuy**  
**15 Augustus 2018**

---

## [Ekologie Staptoer](#)

